



Broj: 16-12-16-2075-~~10~~ /18
I. Sarajevo, 14.05. 2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 69. stav (2) tačka c) i člana 70. st. (1), (2), (4) i (6) Zakona o javnim nabavkama („Službeni glasnik BiH”, broj 39/14), na preporuku Komisije I za nabavke za potrebe Državne agencije za istrage i zaštitu u 2018. godini, broj 16-12-16-2075/18 od 27.04.2018. godine, u postupku javne nabavke rezervnih dijelova sa uslugom ugradnje, popravke i održavanja službenih vozila Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o poništenju postupka javne nabavke rezervnih dijelova sa uslugom ugradnje popravke i održavanja službenih vozila Državne agencije za istrage i zaštitu

Član 1.

Poništava se postupak javne nabavke rezervnih dijelova sa uslugom ugradnje, popravke i održavanja službenih vozila Državne agencije za istrage i zaštitu za koji je obavještenje broj 1161-1-1-97-3-25/18 objavljeno na Portalu Agencije za javne nabavke 22.03.2018. godine i u „Službenom glasniku BiH“ broj 20/18, iz razloga što nije dostavljen dovoljan broj ponuda za zaključivanje okvirnog sporazuma.

Član 2.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 3.

Ova odluka objavit će se na web stranici Državne agencije za istrage i zaštitu, istovremeno sa upućivanjem ponuđačima koji su učestvovali u postupku javne nabavke.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu broj 16-12-16-2075-1/18 od 14.03.2018. godine pokrenut je postupak javne nabavke rezervnih dijelova sa uslugom ugradnje, popravke i održavanja službenih vozila Državne agencije za istrage i zaštitu (u daljem tekstu: Agencija), putem otvorenog postupka, procijenjene vrijednosti 249.500,00 KM bez PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2018. godinu i dokumenta okvirnog budžeta (2018.-2020. godina).

Predmet javne nabavke podjeljen je na LOT-ove:

- Lot 1 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Volkswagen (polo, golf, passat, kombi, caddy, touareg i tiguan);
- Lot 2 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Ford, Renault i Fiat;
- Lot 3 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Škoda;
- Lot 4 Nabavka rezervnih dijelova sa uslugom ugradnje, popravke i održavanja službenih vozila Agencije na području Tuzle za vozila marke Volkswagen, Škoda, Renault, Ford i Citroen;
- Lot 5 Nabavka rezervnih dijelova sa uslugom ugradnje, popravke i održavanja službenih vozila Agencije na području Banja Luke za vozila marke Volkswagen, Fiat, Škoda, Ford i Citroen;
- Lot 6 Nabavka rezervnih dijelova sa uslugom ugradnje, popravke i održavanja službenih vozila Agencije na području Mostara za vozila marke Volkswagen, Škoda i Renault;
- Lot 7 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Opel;
- Lot 8 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke BMW;
- Lot 9 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Citroen;
- Lot 10 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Volvo;
- Lot 11 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Ssangyong Rexton;
- Lot 12 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Mazda;
- Lot 13 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Mercedes;

- Lot 14 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za vozila marke Toyota;
- Lot 15 Nabavka rezervnih dijelova sa uslugom ugradnje, popravke i održavanja službenih vozila Agencije na području Sarajeva, Ilidže, Vogošće, Istočnog Novog Sarajeva i Istočne Ilidže za sve vrste vozila.

Komisija I za nabavke za potrebe Agencije u 2018. godini (u daljem tekstu: Komisija) dostavila je Izvještaj o radu broj 16-12-16-2075/18 od 27.04.2018. godine sa preporukom da se poništi postupka javne nabavke rezervnih dijelova sa uslugom ugradnje, popravke i održavanja službenih vozila Agencije.

Za navedeni postupak javne nabavke Tenderskom dokumentacijom bilo je predviđeno provođenje e-aukcije u skladu sa odredbama Pravilnika o uslovima i načinu korištenja e-aukcije („Službeni glasnik BiH”, broj 66/16) (u daljem tekstu: Pravilnik).

Obzirom da je tačkom 24. Tenderske dokumentacije navedeno da je rok za dostavljanje ponuda 12.04.2018. godine do 12,00 sati, te da se ponude dostavljaju u zatvorenoj koverti, Komisija je dana 12.04.2018. godine u 13,00 sati izvršila javno otvaranje ponuda prema datumu i vremenu prijema.

Blagovremeno je dostavljeno ukupno osam ponuda i to:

R.br.	Naziv ponuđača	Ponuđena cijena (bez PDV-a) u KM
1.	„Autoservis i dijelovi - BL“ d.o.o. Banja Luka	Lot 5 – 20.220,72 KM
2.	„Autoservis NV“ d.o.o. Banja Luka	Lot 5 – 29.060,98 KM (u cijenu uračunat popust od 7 %)
3.	„Nipex“ d.o.o. Ljepunice, Tuzla	Lot 4 – 33.729,68 KM
4.	„Remex“ d.o.o. Tuzla	Lot 4 – 43.177,91 KM
5.	„Saradis“ d.o.o. Vogošća	Lot 1 – 138.152,30 KM Lot 3 – 46.156,43 KM
6.	„AC Quattro“ d.o.o. Sarajevo	Lot 1 – 107.799,80 KM
7.	„Autodelta“ d.o.o. Sarajevo	Lot 1 – 69.351,61 KM (u cijenu uračunat popust od 5 %) Lot 3 – 25.894,89 KM
8.	„SM Solution“ d.o.o. Sarajevo	Lot 11 – 15.074,00 KM Lot 12 – 9.328,00 KM

Takođe, Komisija je konstatovala da su po isteku roka za dostavljanje ponuda dostavljene tri ponude ponuđača „Unitrade“ d.o.o. Ljubuški.

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH”, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Uvidom u dostavljene ponude Komisija je utvrdila da su u postupku javne nabavke rezervnih dijelova sa uslugom ugradnje, popravke i održavanja službenih vozila Agencije ponude dostavili sljedeći ponuđači i to za:

- Lot 1 ponuđači: „Saradis“ d.o.o. Vogošća, „AC Quattro“ d.o.o. Sarajevo i „Autodelta“ d.o.o.

Sarajevo;

- Lot 3 ponuđači: „Saradis“ d.o.o. Vogošća i „Autodelta“ d.o.o. Sarajevo;

- Lot 4 ponuđači: „Nipex“ d.o.o. Ljepunice, Tuzla i „Remex“ d.o.o. Tuzla;

- Lot 5 ponuđači: „Autoservis i dijelovi – BL“ d.o.o. Banja Luka i „Autoservis NV“ d.o.o. Banja Luka;

- Lot 11 i Lot 12 ponuđač „SM Solution“ d.o.o. Sarajevo.

Takođe, Komisija je konstatovala da za Lot 2, Lot 6, Lot 7, Lot 8, Lot 9, Lot 10, Lot 13, Lot 14 i Lot 15 nije dostavljena niti jedna ponuda u ostavljenom roku.

Odredbom člana 32. stav (4) Zakona propisano je da se okvirni sporazum zaključuje sa više ponuđača za isti predmet nabavke, te broj ponuđača s kojim se zaključuje okvirni sporazum ne može biti manji od tri, pod uslovom da postoji dovoljan broj ponuđača. Takođe, tačkom 5.4. Tenderske dokumentacije je predviđeno da se za navedeni postupak javne nabavke okvirni sporazum zaključuje posebno za svaki lot sa više ponuđača.

Kako je samo za Lot 1 pristigao dovoljan broj ponuda, to je Komisija za navedeni Lot pristupila pregledanju dokumentacije priložene uz ponude, a u cilju ocjenjivanja njihove prihvatljivosti u smislu Pravilnika, te kvalifikovanosti ponuđača shodno uslovima navedenim u Tenderskoj dokumentaciji.

Uvidom u ponudu ponuđača „AC Quattro“ d.o.o. Sarajevo i „Autodelta“ d.o.o. Sarajevo, Komisija je utvrdila da navedeni ponuđači ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da navedeni ponuđači ispunjavaju i formalno-pravne uslove postavljene Tenderskom dokumentacijom.

Takođe, Komisija je utvrdila da ponuđač „Saradis“ d.o.o. Vogošća ne ispunjava uslov iz tačke 13.3. Tenderske dokumentacije, odnosno Izvještaja o pitanjima i odgovorima u vezi sa Tenderskom dokumentacijom povodom žalbe ponuđača „Autodelta“ d.o.o. Sarajevo. Naime u Izvještaju o pitanjima i odgovorima u vezi sa Tenderskom dokumentacijom i pojašnjenjem tačke 13.3. c) Tenderske dokumentacije u vezi sa dostavljanjem sertifikata ili ekvivalentnog dokaza navedeno je da se iz Tenderske dokumentacije u navedenoj tački briše riječ sertifikat, a da se kao dokaz dostavlja izjava da su traženi automehaničari obučeni za servisiranje vozila za Lot za koji ponuđači dostavljaju ponudu, kako bi svi ponuđači bili u istom položaju i ravnopravno učestvovali u postupku javne nabavke.

Naime, uvidom u ponudu ponuđača „Saradis“ d.o.o. Vogošća, Komisija je konstatovala da je navedeni ponuđač u cilju dokazivanja da ispunjava uslove tehničke i profesionalne sposobnosti dostavio izjavu o tehničkoj opremljenosti u skladu sa traženim kriterijima, izjavu da će vozila Agencije prioritetno stavljati u rad nakon preuzimanja vozila u servis, izjavu o angažovanju osoblja, izjavu da raspolaže sa najmanje dva automehaničara minimalno KV stručne spreme koji će raditi na realizaciji ugovora i ovjerene kopije diploma za automehaničare. Komisija je utvrdila da navedeni ponuđač nije dostavio izjavu da su navedeni automehaničari obučeni za servisiranja vozila za Lot za koji je navedeni ponuđač dostavio ponudu.

Tenderskom dokumentacijom bilo je predviđeno da se za postupak javne nabavke rezervnih dijelova sa uslugom ugradnje popravke i održavanja službenih vozila Agencije provodi e-aukcija. Tačkom 5.4. Tenderske dokumentacije, te članom 32. stav (4) Zakona predviđeno je da sa za navedeni postupak javne nabavke okvirni sporazum zaključuje posebno za svaki lot sa više ponuđača, te broj ponuđača s kojim se zaključuje okvirni sporazum ne može biti manji od tri, pod uslovom da postoji dovoljan broj ponuđača.

Uzimajući u obzir činjenicu da broj ponuđača sa kojim se zaključuje okvirni sporazum ne može biti manji od tri, da su za Lot 1 dostavljene tri ponude od kojih jedna nije prihvatljiva i da za ostale Lotove nije dostavljen dovoljan broj ponuda, to e-aukcija nije zakazana nego je postupak okončan u skladu sa članom 69. stav (2) Zakona.

Shodno naprijed navedenom, prihvaćena je preporuka Komisije i odlučeno je da se poništi postupak javne nabavke rezervnih dijelova sa uslugom ugradnje, popravke i održavanja službenih vozila Agencije, a u skladu sa odredbom člana 69. stav (2) tačka c) Zakona.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 8x;
- Sektoru za mat.-fin. poslove;
- a/a.

